

**«ԷԼԵԿՏՐՈՆԱՅԻՆ ԵՐԹԱԿԱՐԳԱՎԱՐԱԿԱՆ
ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՊԱՀԱՆՋՆԵՐԸ
ՀԱՍՏԱՏԵԼՈՒ ՄԱՍԻՆ» ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ
ՆԱԽԱԳԻԾ**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

«—»----- 2025 թվականի N-----Ն

**ԷԼԵԿՏՐՈՆԱՅԻՆ ԵՐԹԱԿԱՐԳԱՎԱՐԱԿԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ
ՊԱՀԱՆՋՆԵՐԸ ՀԱՍՏԱՏԵԼՈՒ ՄԱՍԻՆ**

Ղեկավարվելով «Ավտոմոբիլային տրանսպորտի մասին» օրենքի 11-րդ հոդվածի 9-րդ մասի պահանջներով՝ Հայաստանի Հանրապետության կառավարությունը որոշում է.

1. Հաստատել էլեկտրոնային երթակարգավարական ծառայությունների մատուցման պահանջները՝ համաձայն հավելվածի:
2. Սույն որոշումն ուժի մեջ է մտնում պաշտոնական հրապարակմանը հաջորդող տասներորդ օրվանից:

**Հայաստանի Հանրապետության
վարչապետ**

Ն. Փաշինյան

ՀԱՎԵԼՎԱԾ

ՀՀ կառավարության

«-----»-----2025թ. N----- որոշման

ՊԱՀԱՆՁՆԵՐ

ԷԼԵԿՏՐՈՆԱՅԻՆ ԵՐԹԱԿԱՐԳԱՎԱՐԱԿԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ

1. Սույն պահանջներով սահմանվում են ավտոբուսային կանոնավոր փոխադրումների երթակարգավարական ծառայությունները Էլեկտրոնային եղանակով կազմակերպելու պահանջները:
2. Էլեկտրոնային երթակարգավարական ծառայությունների մատուցում կարող են իրականացնել իրավաբանական անձինք կամ անհատ ձեռնարկատերերը:
3. Էլեկտրոնային երթակարգավարական ծառայությունների մատուցման գործընթացը կազմակերպում է «Ավտոմոբիլային տրասպորտի մասին» օրենքի 10-րդ հոդվածի 2-րդ մասով սահմանված երթուղային ցանցը կազմակերպող մարմինը՝ «Գնումների մասին» օրենքի պահանջներին համապատասխան:
4. Էլեկտրոնային երթակարգավարական ծառայությունների մատուցման գործընթացը պետք է իրականացվի երթուղային ցանցի կառավարման համակարգի ծրագրային ապահովման (այսուհետ՝ ծրագրային համակարգ) միջոցով:
5. Էլեկտրոնային երթակարգավարական ծառայությունների մատուցման ծրագրային համակարգը պետք է հնարավորություն տա Էլեկտրոնային եղանակով իրականացնելու երթուղային ցանցի մոդելների մշակումը՝ երթուղիների, կանգառների, երթերի, չվացուցակների Էլեկտրոնային հաշվառման հնարավորությամբ:

6. Էլեկտրոնային երթակարգավարական ծառայությունների մատուցման ծրագրային համակարգը պետք է հնարավորություն ունենա հաշվառելու երթուղիների մեքենաները, ինչպես նաև մոդելավորել նախատեսվող երթուղային ցանցը:

7. Ծրագրային համակարգն իր մեջ պետք է ներառի բոլոր անհրաժեշտ ֆունկցիաներն ու ծրագրային գործիքները սույն պահանջներով նախատեսված տեղեկատվության հավաքագրման և փոխանցման համար:

8. Էլեկտրոնային երթակարգավարական ծառայությունների մատուցման ծրագրային համակարգը պետք է ապահովի հետևյալ հիմնական գործառույթները՝

- կանգառների տվյալների մուտքագրում՝ քարտեզի վրա տեղորոշմամբ.
- բնակավայրերի, մարզերի, փոխադրող կազմակերպությունների, մեքենաների մասին տվյալների մուտքագրում.
- երթուղիների, երթերի, երթուղիների չվացուցակների և սխեմաները մուտքագրում.
- երթուղիները սպասարկող տրանսպորտային միջոցների տվյալների մուտքագրում.
- երթուղիները սպասարկող կազմակերպությունների տվյալների մուտքագրում.
- տեղեկատվության փոխանցում և ցուցադրում:

9. Ծրագրային համակարգը պետք է ունենա անվտանգության ապահովման բարձր մակարդակ և ապահովի անձնական տվյալների պաշտպանությունը «Անձնական տվյալների պաշտպանության մասին» օրենքի պահանջներին համապատասխան:

10. Ծրագրային համակարգը պետք է հնարավորություն ունենա փոխանցելու տվյալները երթուղային ցանցը կազմակերպող մարմնին և տրանսպորտի բնագավառում վերահսկողություն իրականացնող տեսչական մարմնին:

11. Ծրագրային համակարգում պետք է ունենա հաշվետվությունների ավտոմատացված մշակման և տրամադրման հնարավորություն (երթուղու կատարողական, բողոքների հաշվառում և այլն):

12. Ծրագրային համակարգում պետք է արձանագրվեն երթուղիների վթարների, միջադեպերի, արտակարգ իրավիճակների վերաբերյալ տեղեկությունները և դրանք փոխանցվեն համապատասխան իրավասու մարմիններին:

13. Ծրագրային համակարգի միջոցով կարող է իրականացվել Էլեկտրոնային փաստաթղթաշրջանառության ապահովումը (Էլեկտրոնային տոմս, փոխադրավարձի վճարում և այլն):

14. Էլեկտրոնային երթակարգավարական ծառայությունների մատուցման ծրագրային համակարգը կարող է ունենալ հավելված երթուղիների վերաբերյալ

տեղեկատվությունը առցանց ռեժիմով ուղևորներին հասանելի դարձնելու համար: